



তথ্যওসম্প্রচারমন্ত্রক

উৎসব প্রদর্শিত সিনেমা নিয়ে সাংবাদিক সম্মেলনে আই.এফ.এফ.আই. ২০১৭-এর আন্তর্জাতিক জুরিগণ

Posted On: 28 NOV 2017 1:28PM by PIB Kolkata

নয়া দিল্লি: ২৭ নভেম্বর: গোয়ায় ভারতের আন্তর্জাতিক চলচ্চিত্র উৎসবের প্রখ্যাত ও সাংস্কৃতিকভাবে বিভিন্ন ক্ষেত্রের জুরিগণ নানা বিষয় তুলে ধরলেন সাংবাদিক সম্মেলনে। আই.এফ.এফ.আই.-এর জুরি চেয়ারম্যান জাতীয় পুরস্কার প্রাপক ভারতীয় চলচ্চিত্র নির্মাতা মুজুম্ফর আলি দীর্ঘদিন ধরে এই উৎসবের সঙ্গে জড়িত। সাংবাদিক সম্মেলনের শুরুতে তিনি উল্লেখ করেন যে, আই.এফ.এফ.আই. এখন এর বিষয়, আকার, গুণমান ও অংশগ্রহণের দিক দিয়ে বিশাল হয়ে উঠেছে।

এ বছরের তাঁর অভিজ্ঞতার উল্লেখ করে তিনি বলেন, “বিশ্বের বিভিন্ন প্রান্তের সিনেমা প্রদর্শনের মাধ্যমে আমরা এর বিরাট অগ্রগতি আশা করছি। এরকম প্রখ্যাত জুরি সদস্যদের সঙ্গে কাজ করাটা একটা বিশাল অভিজ্ঞতা। এটা যেন অনেকগুলো বৃন্দবাদের একসঙ্গে মিলে যাওয়ার মত, যার মধ্য দিয়ে আমরা আমাদের অভিজ্ঞতার আদান প্রদান করতে পারছি। বলা যায়, এটা একটা সিনেমাটিক অভিজ্ঞতা।”

জুরিতে একমাত্র মহিলা সদস্য, মর্যাদাপূর্ণ এশিয়া প্যাসিফিক স্ক্রিন পুরস্কার-প্রাপক ম্যাক্সিন উইলিয়ামসন বলেন, আই.এফ.এফ.আই.-এউপস্থিত হতে পারাটা সত্যি এক অসাধারণ বিষয়। আমি গত দশ বছর ধরে এই উৎসবে আসছি। জুরি হিসেবে আমরা এক বিশেষ মুহূর্ত এখানে কাটিয়েছি। এবার বেশ কিছু অসাধারণ সিনেমা ছিল। এই প্রতিযোগিতায় আঞ্চলিক কিছু সিনেমা দেখে আমি সত্যি অভিভূত। এ এক শক্তিশালী প্রতিযোগিতা। তাই এর মধ্য থেকে বাছাই করার জন্য নির্ণয় নিতে পারাটা আমাদের কাছে বেশ কঠিন কাজ ছিল।

আকাদেমি পুরস্কার-বিজয়ী প্রডাকশন ডিজাইনার রজার ক্রিস্টিয়ান বলেন, “আমি অনেক অনেক চলচ্চিত্র উৎসবে যাই। কেননা স্বাধীন চলচ্চিত্রের এই দুঃসময়ে কোনো চলচ্চিত্র নির্মাতা, বিশেষ করে নতুন কোনো চলচ্চিত্র নির্মাতা তাঁর ছবি প্রদর্শন করার সুযোগ অন্য কোথাও পান না। এই ধরনের চলচ্চিত্র উৎসবই এর একমাত্র প্রদর্শনের স্থান। উৎসবের মধ্য দিয়ে এগুলো প্রকাশ পায়।”

বিভিন্ন ধরনের পুরস্কার বিজয়ী রাশিয়ান সিনেমাটোগ্রাফার ভ্লাদিমির ওপেল্যান্টস বলেন, “আমাকে আমন্ত্রণ জানানোর জন্য ধন্যবাদ। এটা এক বিশেষ অভিজ্ঞতা। আমার ইংরেজি ভাষা খুব একটা ভালো না হলেও, আমরা সিনেমাটোগ্রাফারের ভাষায় কথা বলেছি। এই ভাষাটা শুধুমাত্র আরেগের। ধন্যবাদ ভারত, আমি এখানে আসতে পেরে আনন্দিত।”

ইজরায়েলের প্রখ্যাত পরিচালক টজাই গ্রেড এই উৎসবকে অন্যদের সংস্কৃতি জানানোর এক মাধ্যম হিসেবে উল্লেখ করেন। বিভিন্ন সংস্কৃতির চলচ্চিত্র যাচাই করার বিষয়ে এক প্রশ্নের উত্তরে তিনি বলেন, “প্রথমে আমরা মূলত সিনেমাটা দেখি। এটা কীভাবে প্রভাবিত করে সেটা যাচাই করি। অনুভব করা সহজ কিনা তা দেখি। অনেক ছায়াছবি রয়েছে যেগুলো আপনার চিন্তাভাবনাকে প্রভাবিত করতে পারে।”

আই.এফ.এফ.আই.’র ৪৮তম উৎসব ২০ থেকে ২৮ নভেম্বর ২০১৭ সৈকত-রাজ্য গোয়ায় অনুষ্ঠিত হয়েছে।

গোয়ার পানাজিতে ৪৮তম ভারতের আন্তর্জাতিক চলচ্চিত্র উৎসবের এক সাংবাদিক সম্মেলনে আই.এফ.এফ.আই.—২০১৭ এর আন্তর্জাতিক জুরি সদস্য মুজুম্ফর আলি, রজার ক্রিস্টিয়ান, টজাই গ্রেড, ম্যাক্সিন উইলিয়ামসন এবং ভ্লাদিমির ওপেল্যান্টস, ২৫নভেম্বর ২০১৭।

(Release ID: 1511093) Visitor Counter : 3

